

皇  
明  
制  
書

皇明制書

諸司職掌

兵部卷之五

尚書侍郎之職掌天下軍衛武官選授之政其屬有四曰司馬職方駕部庫部

司馬部

郎中員外郎主事掌武官勲祿品命

銓選

官制

凡內外大小軍職衙門官員俱有額數。

都督府

左都督右都督都督同知都督僉事  
留守司

正留守 副留守 指揮同知

都指揮司

都指揮使二員 都指揮同知二員  
都指揮僉事四員

衛

指揮使一員

指揮同知二員

指揮僉事四員

衛鎮撫二員

所

正千戶一員

副千戶二員

所鎮撫二員

百戶一十員

儀衛司

儀衛正一員

儀衛副二員

典仗六員

勲祿

凡武官一品至六品所授上柱國至武騎尉曰勳。

歲支俸米曰祿。遇有除授官員須要明白照。

品定擬其品級次第詳於吏部職掌。  
武官資格

凡內外軍職官員俱有原定資格

正一品

左都督

右都督

從一品

都督同知

正二品

都督僉事

正留守

都指揮使

從二品

都指揮同知

正三品

副留守

都指揮僉事

各衛指揮

使

從三品

留守司指揮同知 各衛指揮同知

正四品

各衛指揮僉事

正五品

儀衛正 正千戶

從五品

衛鎮撫 儀衛副 副千戶

正六品

典仗

百戶

從六品

所鎮撫

除授官負

凡武官或有功陞除或調除別衛或為事  
復職若見缺官負應合調補遇有前項  
官負到部須要審取從軍脚色委官齎  
赴

內府比對貼黃中間歸附年月征克地方陞

轉月日。衛所流官世襲相同。然後具本  
明著緣由。連人引至

御前陳奏。請

旨轉調除授。或奉

特旨。陞遷。隨將欽與職事花名。衛所流官世  
襲。及陞調緣由。就於

御前陞選。仍照選簿內條寫榜文。次日入奏。  
將引選過官。負看畢。抄榜給憑。定限到  
任。仍行該府轉行所在衛所。催任繳憑。

襲職替職

凡軍官亡故年老征傷須以嫡長兒男承襲替職或嫡長男早喪及篤癈殘疾則嫡孫襲替如無嫡子嫡孫則庶長子孫襲替若嫡庶子孫俱無方許弟姪襲替其應合承繼弟男子姪務要曾經操練弓馬熟閑并當該衛所正官保結呈送其審供查黃引選等項緣由並與除授官負相同。

陞用總小旗

凡總小旗缺役務選年深精壯勇敢軍人  
小旗併鎗軍人併鎗得勝陞小旗小旗  
併鎗得勝陞總旗須憑各府照會開繳  
當該衛所保結文狀到部然後類寫具  
奏請

旨准用仍咨呈該府行下各該衛所收補或  
奉

旨取用年深總旗除授須自各衛取勘從軍

脚色保結呈送到部。仍審實來歷相同。具本引奏。選用。其附選出榜抄榜給憑。催任。一如除授官負施行。

貼黃

寫黃續黃

凡除官開寫年籍從軍脚色赴

內府清理明白。寫黃仍寫內外貼黃與正黃

關防。走號。合同請

寶鈴記。正黃送銅櫃收貯。內外黃各置文簿

附貼亦於

內府收掌遇有陞調襲替官員次日即具陞  
轉襲替緣由奏

聞貼揭續附如有事故亦須總為置簿揭下  
附貼以憑稽考

缺官

凡遷調致仕并犯罪罷職等項官員行移  
到部知會即便作缺類寫缺本進赴  
內府遇有欽依除調補缺官員隨於

御前銓注以憑附選。

更名復姓

凡軍官或年幼過房乞養。今將本姓或幼名到部更改。必須明著緣由奏

聞准改。仍將改換緣由續附貼黃。

優給

凡軍官亡故遺下嫡長子女年未出幼。或母年老。或無嫡子嫡孫。次及庶子。或弟或姪。合得優給養贍者。須憑各衛保結

起送到部審取故官從軍脚色一體委  
官齎赴

內府比對貼黃相同具奏如是奉  
旨欽與優給隨即於

御前附寫欽與優給文簿扣筭出幼年分明  
白開寫歲數至某年住支或奉

特旨陞等優給及流官特與世襲亦須隨即  
明白注寫通行抄出緣由立案行移錦  
衣衛作數放支其征進陣亡傷故病故

總小旗兒男一體引奏定奪

誥勅

給授

凡武官所授一品至五品曰誥命六品以下曰勅命其有應合給授者須憑各官報到從軍脚色比對內外貼黃年籍并見授職事流世相同然後奏

聞。謄黃照品定奪散官寫誥給授如犯法得罪應合追奪。

刑部進送

內府收貯若充軍征進者置簿編收其典刑及亡故無嗣者會官燒毀。

正一品

初授特進榮祿大夫  
授特進光祿大夫

從一品

初授榮祿大夫  
授光祿大夫

正二品

初授驃騎將軍  
授龍虎將軍  
陞授金吾將軍

從二品

初授鎮國將軍  
授奉國將軍  
陞授定國將軍

正三品

初授昭毅將軍  
授昭勇將軍  
陞授昭毅將軍

從三品

初授懷遠將軍  
授安遠將軍  
陞授定遠將軍

正四品

初授明威將軍 陞授宣威將軍

從四品

初授信武將軍 陞授顯武將軍

正五品

初授武德將軍

從五品

初授武毅將軍

正六品

初授昭信校尉

從六品

初授忠顯校尉

封贈

凡武職有功應封贈祖父母父母妻室者  
照依欽定資格。一品封贈三代。二品三

品封贈二代。四品以下封贈一代。各照見任職事依例封贈。

正一品至從六品

曾祖父祖父父父各照見授職事對品封贈

正從一品

曾祖母祖母母妻各封贈夫人

正從二品

祖母母妻各封贈夫人

正從三品

祖母母妻各封贈淑人

正從四品

母妻各封贈恭人

正從五品

母妻各封贈宜人

正從六品

母妻各封贈安人

加贈

凡武官歿於王事者。照依生前職事加贈  
二等。死於鋒鏑者。照依生前職事褒贈  
三等。

軍務

開設衛所

凡天下要衝及邊防去處。奉

旨勅建衛所。即便行移禮部鑄印作缺。入奏  
請

旨除調官員。仍行所在官司開設撥軍守禦。

整點軍士

凡內外衛所軍士。隊五俱有定數。如是奉  
旨差人點視。填給勘合戶。由於內。明寫收軍  
來歷緣由。除開設衙門原有旗軍外。其  
續後調到補伍軍士。必須窮究原伍旗  
軍下落明白。庶不迷失軍伍。如是伍內  
空歇未填勘合。亦須咨呈該府着令勾  
補。以憑填給。其新收軍人。應開戶由者。  
一體照戶出給勘合戶由。

報息

凡腹裏邊境險要去處或有嘯聚者飛報報息到部火速入奏毋得遲滯。

賞賜

凡奉

持旨賞賜軍官須憑來文開寫姓名職事衛所欽賞銀鈔段疋等項數目審對明白具本引奏給賞。

職方部

郎中員外郎主事之職。掌天下地圖及  
城隍鎮戍烽堠之政。

城隍

謂城池也

凡天下都司并衛所城池軍馬數目。必合  
周知。或遇所司移文修築。須要奏  
開差人相度。准令守禦軍士。或所在民人築  
造。然後施行。

計天下都司衛所

都司壹拾柒處

留守司壹處

內外衛參百貳拾玖處守禦千戶所  
陸拾伍處

上十二衛

金吾前衛 金吾後衛 羽林左衛

羽林右衛 府軍衛 府軍左衛

府軍右衛 府軍前衛 府軍後衛

虎賁左衛 錦衣衛 旗手衛

五軍都督府所屬衛所

左軍都督府

在京

留守左衛

鎮南衛

水軍左衛

驍騎右衛

龍處衛

英武衛

濬陽左衛

濬陽右衛

在外

浙江都司

杭州右衛

杭州前衛

台州衛

寧波衛

處州衛

紹興衛

海寧衛

寧國衛

溫州衛

臨山衛

松門衛

金鄉衛

定海衛

海門衛

磐石衛

觀海衛

海寧千戶所  
衢州千戶所

嚴州千戶所

湖州千戶所

遼東都司

定遼左衛

定遼右衛

定遼中衛

定遼前衛

定遼後衛

鐵嶺衛

東寧衛

瀋陽中衛

海州衛

蓋州衛

金州衛

復州衛

義州衛

遼海衛

三萬衛

廣寧左屯衛

廣寧右屯衛

廣寧前屯衛

廣寧後屯衛

廣寧中護衛

山東都司

青州左護衛

青州護衛

兗州護衛

兗州左護衛

登州衛

青州左衛

萊州衛

寧海衛

濟南衛

平山衛

德州衛

樂安千戶所

膠州千戶所

諸城千戶所

滕縣千戶所

右軍都督府

在京

虎賁右衛

留守右衛

水軍右衛

武德衛

廣武衛

在外

雲南都司

雲南左衛

雲南右衛

雲南前衛

大理衛

楚雄衛

臨安衛

景東衛

曲靖衛

金齒衛

洱海衛

蒙化衛

馬隆衛

平夷衛

越州衛

六涼衛

鶴慶千戶所

貴州都司

貴州衛

永寧衛

普定衛

平越衛

烏撒衛

普安衛

層臺衛

赤水衛

威清衛

興隆衛

新添衛

清平衛

平垣衛

安莊衛

龍里衛

安南衛

都勻衛

畢節衛

貴平千戶所

四川都司

成都左護衛

成都右護衛

成都中護衛

成都左衛

成都右衛

成都前衛

成都後衛

成都中衛

寧川衛

茂州衛

建昌衛

重慶衛

叙南衛

蘇州衛

廬州衛

松藩軍民

指揮司

巖州衛

青州千戶所

保寧千戶所

威州千戶所

雅州千戶所

大渡千戶所

陝西都司

西安左護衛

西安右護衛

西安中護衛

西安左衛

西安右衛

西安前衛

西安後衛

華山衛

秦川衛

延安衛

綏德衛

平涼衛

慶陽衛

寧夏衛

臨洮衛

鞏昌衛

西寧衛

漢中衛

涼州衛

莊浪衛

蘭州衛

秦州衛

岷州軍民指揮司

洮州衛

河州軍民指揮司

甘肅衛

山丹衛

永昌衛

鳳翔千戶所

金州千戶所

寧夏中護衛

甘州中護衛

西河中護衛

廣西都司

桂林左衛

桂林右衛

桂林中衛

南寧衛

柳州衛

馴象衛

梧州千戶所

中軍都督府

在京

留守中衛

神策衛

廣洋衛

應天衛

和陽衛

牧馬千戶所

在外

直隸

揚州衛

和州衛

高郵衛

淮安衛

鎮海衛

滁州衛

太倉衛

四州衛

壽州衛

邳州衛

大河衛

沂州衛

金山衛

新安衛

蘇州衛

儀真衛

徐州衛

安慶衛

宿州千戶所

中都留守司

鳳陽右衛

鳳陽衛

鳳陽中衛

皇陵衛

留守左衛

留守中衛

長淮衛

懷遠衛

洪塘千戶所

河南都司

歸德衛

陳州衛

弘農衛

汝寧衛

潼關衛

河南衛

睢陽衛

宣武衛

信陽衛

彰德衛

武平衛

南陽衛

寧國衛

懷慶衛

寧山衛

潁川衛

安吉衛

潁上千戶所

河南左護衛

河南中護衛

河南右護衛

前軍都督府

在京

天策衛

龍驤衛

豹韜衛

龍江衛

飛熊衛

在外

直隸

九江衛

湖廣都司

恭陵衛

永州衛

武昌左衛

黃州衛

施州衛

岳州衛

蘄州衛

安陸衛

長沙護衛

辰州衛

武昌衛

襄陽衛

常德衛

沅州衛

寶慶衛

沔陽衛

長沙衛

衡州衛

瞿塘衛

鎮遠衛

平溪衛

清浪衛

偏橋衛

五開衛

九溪衛

荊州左護衛

荊州中護衛

靖州衛

永定衛

郴州千戶所

夷陵千戶所

桂陽千戶所

德安千戶所

忠州千戶所

安福千戶所

道州千戶所

大庸千戶所

天平千戶所

麻遼千戶所

枝江千戶所

武齒千戶所

崇山千戶所

長寧千戶所

武昌左右中三護衛

福建都司

福州中衛

福州左衛

福州右衛

興化衛

泉州衛

漳州衛

福寧衛

鎮東衛

平海衛

永寧衛

鎮海衛

福建行都司

建寧左衛

建寧右衛

建陽衛

延平衛

邵武衛

汀州衛

將樂千戶所

江西都司

南昌左衛

南昌前衛

袁州衛

贛州衛

吉安衛

饒州千戶所

安福千戶所

會昌千戶所

永新千戶所

南安千戶所

建昌千戶所

撫州千戶所

鉛山千戶所

廣信千戶所

廣東都司

廣州前衛

廣州左衛

廣州右衛

南海衛

潮州衛

雷州衛

海南衛

清遠衛

惠州衛

肇慶衛

廣州後衛

程鄉千戶所

高州千戶所

廉州千戶所

萬州千戶所

儋州千戶所

崖州千戶所

南雄千戶所

韶州千戶所

德慶千戶所

新興千戶所

陽江千戶所

新會千戶所

龍川千戶所

後軍都督府

在京

橫海衛

鷹揚衛

興武衛

江陰衛

蒙古左衛

蒙古右衛

在外

壯平都司

燕山左衛

燕山右衛

燕山前衛

大興左衛

永清左衛

永清右衛

濟州衛

濟陽衛

彭城衛

通州衛

薊州衛

密雲衛

真定衛

永平衛

山海衛

遵化衛

居庸關千戶所

壯平行都司

大寧左衛

大寧右衛

大寧中衛

大寧前衛 大寧後衛 會州衛

營州中護衛 興州中護衛

山西都司

太原左衛 太原右衛 太原前衛

振武衛 平陽衛 鎮西衛

潞州衛 蒲州千戶所

廣昌千戶所 沁州千戶所

寧化千戶所 鴈門千戶所

山西行都司

大同左衛 大同右衛 大同前衛

蔚州衛 翔州衛

壯平三護衛

燕山左護衛 燕山右護衛

燕山中護衛

山西三護衛

大原左護衛 大原右護衛

大原中護衛

軍役

凡內外衛所軍士俱有定數大率以五千六百名為一衛。一千一百二十名為一千戶所。一百一十二名為一百戶所。其有衛分軍士數多千百戶所統則一。每一百戶內設總旗二名。小旗一十名。管領鈐束大小相維以成隊伍。管軍官負操練撫綏務在得宜。毋敢紊亂空歇。若逃故老疾勾丁代補中間冒解同名拜各項充軍重複

非止一端條開於後。

### 收補軍士

凡遇各布政司并直隸府州縣勾解內  
外衛所逃故軍人正身并戶丁到部  
審實明白逃軍照例斷發有能自首  
者免罪復役其補役戶丁如在京衛  
分填給勘合差人送發該衛交割在  
外衛所送赴該府通數差人押送取  
收管回照仍行移各衛收役年老殘

疾癘回允換壯丁。其幼小戶下無丁者。年十三四以上送衛操練。七八歲以下或癘在營。或癘原籍依親行移。該衛紀錄候長成勾補。其有奸頑故推老疾不將壯丁補役者。問罪如律。仍勾壯丁。若長解不行。用心管押以致逃脫。依律責限癘回。根捕受贓。放送法司問罪。其有民人首報投軍。拜遠年歇役軍丁。首報着役無衛分。

若照發外衛。有原衛者。就發充軍。仍行原籍官司體勘。若有規避提送法司問罪。

### 重役

凡有陳告一戶。或為垛集首報收集。或為事問發在京在外衛所重役充軍二名三名者。須行各衛着落當該官吏保勘明白。及揭照黃冊。果係同戶別無人丁具

奏定奪。其有為事免罪充軍正身并丁多者  
不佳。如有隱瞞丁口朦朧陳告者問  
罪如律。

### 冒名

凡有陳告本戶係是民籍止與故軍同  
名同姓彼里甲人等賣放正軍朦朧  
冒解者發回合干有司提對。曾經府  
縣陳告不理。着令所管上司衙門歸  
問。若俱不理。必須給批差人先提當

該吏典并事內干問人數送法司對  
問其有干問府縣官自具

奏提取看被在衛軍人供指就便送法司對  
問果係故軍生前妄報坐名勾取者  
揭照黃冊是實改正發回為民仍行  
原衛着落親管官旗挨勾應補正軍  
軍士缺伍

凡內外衛所軍人或死亡戶絕或有  
陞調或為事起發等項缺下隊伍須

要行移衛所保勘明白。許令除豁。即於多餘軍內撥補。若死亡止有幼丁。許令本衛紀錄在伍作數。其在逃未獲務要根勾正身。俱各不許撥補。

### 老疾軍人

凡內外衛所軍人。或征進工作傷殘。或患痼疾。及年老不堪征差者。湏要保勘相驗是實。許令戶下壯丁代役。若無少壯。止有幼小。人丁。許令該衛紀

錄操練。仍令老疾隨營。如果戶絕無  
人。揭籍查勘明白具

奏除豁。聽令隨營。或依親還鄉。缺下軍伍於  
多餘軍內撥補。

關津

設置巡檢司

凡天下要衝去處。設立巡檢司。專一盤  
詰往來姦細。及販賣私鹽犯人。逃軍  
逃囚無引。面生可疑之人。須要常加

提督或遇所司呈稟。設置巡檢司差人踏勘果係緊閑地面奏

聞。准設行移工部蓋造衙門吏部銓官。禮部鑄印。行移有司照例於丁糧相應人戶內僉點弓兵應役。

斷發逃軍囚徒

凡各處巡檢司弓兵并老人里甲人等獲解內外衛所逃軍及囚徒無引人拜販賣私鹽犯人等項到部審問明

白一次二次在逃囚軍本部照例刺  
字依律杖斷原伍舊軍拜餘丁照例  
刺字。若係在京軍人調發外衛在外  
衛所軍人仍發原衛着役隨營。鹽徒  
編發充軍私鹽進納載鹽船隻驢匹  
入官原捕弓兵人等照例給賞。其有  
征進在逃拜三次在逃軍人及囚徒  
無引等項俱送法司拜原問衙門查  
照發落。

烽堠謂煙墩也

凡邊防去處合設煙墩并看守堠夫務  
必時加提調整點須要廣積稗草晝  
夜輪流看望遇有緊急晝則舉煙夜  
則舉火接遞通報毋致損壞有悞軍  
情聲息

圖本

凡天下要衝及險阻去處合畫圖本并  
軍人版籍須令所司成造送部務知

陰易

駕部

郎中負外郎主事掌邦國輿輦車乘及天下傳驛廐牧。

鹵簿

凡正旦冬至

聖節會同錦衣衛陳鹵簿大駕於殿之東西  
須要各依次序毋得錯亂有失朝儀  
黃麾一對

降引旂五對

告止旂五對

傳教旂五對

信旂五對

龍頭竿五對

戈斃十對

戟斃十對

儀錦斃十對

朱雀幢一

玄武幢一

白虎幢一

金節三對

豹尾二對

羽葆幢二對

梧杖三對

立瓜三對

儀刀三對

戟十二對

班劍三對

響節十二對

龍戟三對

鐙杖三對

金鉞三對

骨朵三對

金水罐一

金盆一

金踏踏一

金馬杌一

鞍籠一

紅紗燈籠六對

紅油紙燈籠三對

紫羅素方傘四把

紅羅銷金傘一把

紅羅銷金雨傘一把

羽葆幢三對

降引旛一對

儀鎗三對

戈三對

戟三對

金節二對

響節六對 骨朶二對 金鉞二對

金鐙二對 立瓜二對 卧瓜二對

班劍二對 梧杖二對 儀刀二對

戟六對 紗燈三對 鮑燈三對

帳房一座 幃幙一對 金馬杌一副

親王儀仗

金交椅一把脚踏全 間抹金盆罐一副

金香爐一箇 抹金銀香盒一箇

班劍一對 儀刀四對 梧杖一對

響節四對

羽葆幢一對

降引旛一對

骨朵一對

卧瓜一對 立瓜一對

金錢一對

金鐙一對

儀鐙一對

爻叉一對

傳教旛一對

信旛一對

告止旛一對

金節一對

挑心節一把

麾幢一對

戟十對

夾稍一對

稍十對

肴十對

戈斃一對

戟斃一對

紅羅銷金圓傘一把

紅羅素方傘四把

黃羅直柄綉傘四把

紅羅曲柄綉傘四把

紅羅單龍扇十把

黃羅單龍扇十把

黃羅雙龍扇十把

紅羅雙龍扇十把

紅羅素扇二十把

黃羅素扇二十把

紅羅綉雉方扇十二把

紅羅綉花扇十二把

玉輅一乘

大輅一乘

九龍車一乘

步輦一乘

誕馬十二匹

羽儀

凡郊祀吊喪臨祭車駕出入合用某等  
羽儀導引會同錦衣衛須臾各依定  
制陳布毋得相參。

儀仗

凡

皇太子親王出入合用儀仗依制陳導如有  
損壞移咨工部如法脩飾。

皇太子儀仗

金交椅一把脚踏全

金盆罐一副手巾全

紅紵絲拜褥一條

青孔雀扇六把

青花扇四把

青方扇四把

紅綉直柄傘二把銀鈴全

青方傘二把

紅羅曲蓋綉傘二把

紅羅綉圓傘二把

紅羅青方傘四把

紅羅青圓傘二把

紅羅青方傘二把

紅羅銷金雨傘一把

紅羅綉方扇四把

紅羅綉圓扇四把

青羅綉孔雀圓扇六扇

紅紗燈籠一對

守衛軍士食錢

凡在京上十二衛守衛隨

駕軍人每名一直三日食錢鈔三百文先期  
一日令各衛所軍名數目手本報進  
內府本部官一員攢類軍名并該支鈔錠總  
數送禮科關鈔令該管守衛官領去  
給散如有公差愚故名數食錢明白  
扣除不許別將軍人頂替冒支

牌面

凡隨

寫官負力士校尉。須憑牌面守衛。其牌面  
內府印綬。監管輪直官負人等。於簿上明  
白附寫花名。畫字給領。如遇下直務  
要交割明白。勾消。庶無差失。其在外  
新設衛所。申索守禦。夜巡銅牌。須要  
定奪數目。設置字號。移咨禮部鑄印。  
就送該府給發。

驛傳

凡天下水馬驛遞運所專一遞送使客  
飛報軍情轉運軍需等項合用馬驢  
船車人夫必因地理要衝偏僻量宜  
設置其餘點人夫設置馬驢船車什  
物等項俱有定例須要常加提督有  
司整治或差人點視不許空歇但有  
人夫馬驢船車什物損壞缺少將有  
司并驛所當該官吏坐罪仍督并修  
理補買。

# 馬驛

凡馬驛設置馬驢不等。如衝要去處或設馬八十疋六十疋三十疋其餘雖非衝要亦係經行道路或設馬二十疋十疋五疋大率上馬一疋該糧一百石中馬一疋該糧八十石下馬一疋該糧六十石其餘點人戶先儘各驛附近去處無點如果不敷許於相隣府縣點差如一戶糧數不及百石

者許衆戶輳數共當一夫其收買馬  
疋鞍轡羶衫什物驛夫各照田糧驗  
數出備

一各驛馬疋須分上中下三等馬膊上  
懸掛小牌明寫等第憑符應付

一各驛馬夫須置銅鈴遇有緊急公務  
將懸帶馬上前路驛分專一聽候鈴  
聲隨即供應不致妨誤

一各驛馬鞍已置木綿及羶塌軟座經

過使客不許將氈衫於馬鞍上墊坐  
如遇陰雨方許給付氈衫雨帽

### 水驛

凡水驛設船不等如遇使客通行正路  
或設船二十隻十五隻十隻其分行  
偏路亦設船七隻五隻大率每船設  
該水夫十名於有司人戶納糧五石  
之上十石之下點充不拘一戶二戶  
相合俱驗所該糧數輪流應當

遞運所

凡遞運所設置船隻不等。如六百料者，每隻水夫十三名；五百料者，每隻水夫十二名；四百料者，每隻水夫十一名；三百料者，每隻水夫十名。其水夫皆於五石以下糧戶內點差。

一每所設置車輛不等。如大車一輛，載米十石者，人夫三名；牛三頭，布袋十條；小車一輛，載米二石者，人夫一名。

牛一頭每夫一名辦牛一頭於十五石糧戶內點充如無相應人戶許衆戶贖糧共當。

一運運船隻俱用紅油刷飾每船置牌一面開寫本船字號料數及水夫姓名檣舵篙櫓蓬索鐵锚笈纜等項。一應浮動什物數目常川懸掛務要牌不離船以憑點視如是船隻什物損壞缺少即申合干有司委官計料修

補

一逋到官物所官驗實物件斤重擔數  
多寡隨即計筭船隻料數差撥裝運  
不許將前路運船越過逋送其長押  
人負不許索要過料船隻及多取水  
夫夾帶私已物貨所官亦不許徇情  
應付

開設驛所

凡新開地方堪設驛分逋運所或舊設

驛所相離寫遠往復不便可以添設  
須要差人踏勘明白取勘彼處鄉村  
市鎮畫圖貼說回報驗其里路遠近  
同應設驛所船車馬驢數目具奏移  
咨工部蓋造衙門吏部銓官禮部鑄  
印合用人夫行移有司照例僉點。

市民馬戶

凡市民馬戶俱係浙江并直隸蘇松等  
府市居人民編發鳳陽河南陝西北

平等處緊要驛分當站每上馬一疋  
一有三十八戶中馬一疋一百十八  
戶下馬一疋九十八戶每馬各就原  
定戶內選丁多者四戶充馬頭在驛  
走遞如馬頭戶絕體勘明白仍於本  
馬原編戶內僉補

囚充站戶

軍充站戶并館夫附

凡囚充水馬人夫俱係為事免罪發充  
前後正身病故須要戶丁補役不在

消乏之例。

應合給驛

一賫擎

詔旨制諭

一飛報軍務重事

一奉

特旨差遣給驛者

一

親王進賀

表箋及差官賁王奏本赴京奏事

一欽差各部官監察御史往各處追問等項并帶去問事人監生書吏人等水路驛船陸路驢疋。

一公侯駙馬都督將帶從人一名應付脚力

一在京差辦事官行人舍人往各處催攝公事水路應付順便船隻陸路遠者應付脚力或車輛驢疋。

一四夷番使各處土官來

朝并回還。水路遞運船隻陸路脚力。

一力士校尉差去雲南四川兩廣福建水路應付巡檢司船裝送。

一文武官員到任一千五百里之外。

一老疾軍人軍屬寡婦并病故官員遺下家小還鄉。

一為事編發差試百戶管領前去雲南遼東大寧等處充軍并撥守雲南大

寧遼東等處補役軍人。水路應付船隻。

陳告消乏

凡糧食水馬。遞運人戶。陳告消乏。驛所即申有司體勘。是實。就便僉替。不許刁蹬。乖損。

符驗

凡在內公差人員。係干軍情重務。及有特旨差遣。給驛水部填給勘合。所差人員轉

赴

內府關領符驗給驛前去事完就便銷繳。

急遞舖

凡十里設一舖。每舖設舖長一名。舖兵要路十名。僻路或五名或四名。於附近有丁力田糧一石五斗之上。二石之下。點充。須要少壯正身。每舖設十二時。日晷一箇。以驗時刻。舖門首置立牌門一座。并牌額全。常明燈燭二

副簿曆二本舖兵每名合置夾板一副鈴攀一副纓鎗一把棍一條回曆一本。

一遞送公文照依古法。一晝夜通一百刻每三刻行一舖晝夜須行三百里但遇公文到舖不問角數多少。須要隨即遞送無分晝夜懸鈴走遞前舖開鈴舖司預先出舖交收隨即於封皮格眼內填寫時刻該遞舖兵姓名

速令舖兵用袱包裹夾板拴繫。質小  
回曆一本。急遞至前舖交收。於回曆  
上附寫到舖時刻。以憑稽考。毋致停  
滯差迷。如是公文到來。不即遞送停  
積等待。因而失悞事機者。問罪。

一各州縣於額設司吏內。選充舖長一  
名。專一巡點所轄舖分。督令各舖司  
兵如法走遞。親臨府州縣提調官常  
加檢點。舖長失於整點。隨即問罪。每

月置立文簿當該提調官署押附寫  
通過公文時刻角數以憑稽考

一無印信文字不許入遞其各衙門但  
有人遞公文須用堅厚好紙封裹轉  
遞各舖明白附曆於上開寫並無破  
損并不曾拆動原封但有磨擦破壞  
及拆動原封者就將來文封皮上寫  
記原遞舖兵姓名人役及將遞來舖  
兵拘捉解官有司即為追究

一舖舍損壞什物不完舖兵數少及有  
老弱之人在舖當役者有司提調官  
吏即便修理僉點補替

## 馬政

### 廐牧

凡太僕寺所屬十四牧所九十八群專  
一提調牧養孳生馬騾驢牛其養戶  
俱係近京民人或五戶十戶共養一  
疋每騾馬歲該生駒一疋若人戶不

行用心掣收。致有虧欠倒死。就便着令補買還官。每歲將上年所生馬駒起解赴京調撥。本寺每過年終比較。或群監官負怠惰。或人戶奸頑。致有馬疋瘦損。虧欠數多。依例坐罪。

### 關換

凡官軍關撥馬疋操練行移到部。須要該衛官吏保結關馬。官軍原有馬疋下落。果係曾經征進慣戰人數。及無

馬疋方纔具奏關撥後有事故該衛  
拘收還官其官軍人等奉

旨關換馬疋亦須備知數目。

折糧

凡各處起解折糧馬疋到部須令獸醫  
辨驗明白具奏送御馬監交收。

收買

凡官給價鈔於各處收買并茶易到馬  
疋或就彼處給軍騎坐或起解赴京

交納須知其數。

力士校尉

凡力士校尉俱係隨

駕人數。於民間丁多相應人戶內。僉點有力  
少壯無過犯體氣之人。應當皆撥錦  
衣旗手等衛着役。如有事故。卽照原  
籍另戶僉補。如解到部。照依所補姓  
名送發該衛。果係在逃正身。就送該  
衛發落。若正身不獲。解到戶丁。照地

方發遣充軍。仍挨勾正身。

### 庫部

郎中員外郎主事。掌邦國戎器儀仗。辨其出入之數。

### 軍器

凡內外官軍。合用衣甲鎗刀弓箭箭器。必須總知其數。如遇各衛移文到部。申索轉行工部定奪關撥。

### 勘合

凡本部應有行移并催攝一應公務須將出事緣由開寫手本赴

內府關填勘合照會各布政司劄付直隸府州務要將坐去事件施行作急回報每遇年終查理但有未完事件將各司府州承行官吏具奏提問務要完結

給聚

凡文武官員并軍士人等搬取家小完

聚行移所在官司起取。審實送發完。  
聚或有陳告父母兄弟伯叔子姪先。  
因遠年兵革離散。今知下落告取完。  
聚湏要行移所在官司體勘相同。以。  
憑給聚。其有應給之人。見當軍役。具。  
奏定奪。及軍屬寡婦還鄉。行移應天。  
府給引照四。

根捕逃軍勾補軍士

凡各衛所開報逃故并老疾勾丁代役

軍人先須查對鄉貫住址明白具手  
本赴

內府給批差人前去着落有司官吏逃軍根  
捉正身如正身未獲先將戶丁起解  
補役仍根捉正身補替其故軍勾取  
戶內壯丁補役如別無壯丁止有幼  
小兒男取官吏保結回報行移該衛  
照勘相同紀錄候長成勾補若送回  
老疾軍人就留原籍住坐將戶下壯

丁起解替役如勾無戶籍或住址差  
拘名姓不同或係另籍民戶及有戶  
絕無丁有司體勘回申到部行移該  
衛照勘在營有無長幼人丁并着落  
原管官旗務要挨究明白回報定奪  
勾補若衛所官吏并老疾軍人朦朧  
妄報依律問罪如原勾軍數不完及  
勾到軍人中途在逃仍着落原差人  
員前去勾捉若在外遷延違限送法

司問罪

雜行

俸給

凡本部官吏人等并合屬五城兵馬司  
典牧所大勝關會同館等衙門官吏  
俸給每月初明白立案將實支官吏  
姓名并該支米數劄付該部填給勘  
合委官下倉放支如有事故臨倉扣  
除還官仍將實支米數回呈立案

印色

凡本部合用印色支銷盡絕移咨工部轉行該庫放支。

紙劄

凡本部合用紙劄移咨刑部。於贓罰鈔內關支價鈔買用。明白立案開銷。以憑稽考。

考覈

凡本部所屬太僕寺。并各牧監群五城

兵馬司典牧所大勝關會同館等衙門官吏但有考滿必從本衙門開報年籍鄉貫脚色職役并行過事蹟到部以憑考覈咨送吏部定奪

拘收皮張

凡軍民官司解到馬騾驢牛等項皮張鬃尾筋肉臟變賣錢鈔到部錢鈔具手本送赴該庫交納皮張鬃尾咨送工部交收仍取實收附卷

軍士鹽糧

凡馬步軍士月支糧鹽并與牧所養馬  
象人冬夏布疋月支鹽糧遇有移文  
到部總其名數行移該部放支

皂隸

凡各衙門官員合用根隨皂隸俱於法  
司取撥笞杖囚人應役必須明立文  
案簿籍開寫姓名鄉貫應該拘役年  
月發送某衙門着役遇滿撥替其有

在逃即便根捉仍送法司問罪。若病  
故者照名行移法司撥補。

皇明制書

諸司職掌

刑部

尚書侍郎之職掌天下刑名及徒隸勾覆  
關禁之政令其屬古有四部曰憲部北  
部司門部都官部洪武二十三年因天  
下庶務浩繁欽改為十二部曰浙江江  
西福建山東北平四川山西湖廣廣東  
廣西河南陝西各令清理一布政司刑

名等事其雲南布政司隸陝西部仍量  
其繁簡帶管直隸府州并在京衙門每  
部仍分憲比司門都官四科以領其事  
凡遇刑名各照部分送問發落

浙江部帶管

中軍都督府 神策衛 和陽衛

留守中衛 廣洋衛 直隸和州

江西部帶管

前軍都督府 龍驤衛 府軍前衛

龍江衛

天策衛

直隸廬州府

福建部帶管

戶部

金吾後衛

應天衛

牧馬千戶所

直隸常州府

廣德州

山東部帶管

左軍都督府

兵部

羽林右衛

尚寶司

典牧所

直隸鳳陽府  
滁州

北平部帶管

吏部

金吾前衛

太醫院

直隸蘇州府

四川部帶管

工部

府軍衛

僧錄道錄司

直隸松江府

山西部帶管

旗手衛

徐州

翰林院

驍騎右衛

龍虎衛

直隸鎮江府

欽天監

五城兵馬司

湖廣部帶管

右軍都督府

虎賁右衛

留守右衛

水軍右衛

直隸池州府

寧國府

廣東部帶管

府軍左衛 水軍左衛

虎賁左衛

錦衣衛

留守左衛

直隸應天府

廣西部帶管

通政使司 鎮南衛 五軍斷事官

直隸徽州府

安慶府

河南部帶管

禮部

羽林左衛

武德衛

府軍右衛

光祿寺

太常司

國子監

儀禮司

教坊司

直隸揚州府

淮安府

陝西部帶管

後軍都督府

豹韜衛

府軍後衛

蒙古左右衛

橫海衛

興武衛

江陰衛

鷹揚衛

大理寺

行人司

直隸太平府

雲南布政司

浙江等十二部郎中員外郎主事各掌本

布政司并帶管在京衙門直隸府州

刑名等事

憲科

律令

職制

公式

儀制

人命

名例

盜賊

詐偽

聞駁

伸冤

問擬刑名

凡鼓下拜通政司等衙門送原告連狀到部。先於原告簿內附寫告人姓名鄉貫住址。并將告詞於詞狀簿內全文抄畢。連人狀判送該部承行。該部先行立案。責差皂隸將引原告前去召保。聽候提人對問。取訖保狀附卷。

照出令問人數具呈本部具手本赴  
內府刑科給批差人提取及提人到部判送  
該部歸問先將犯人名數立案責令  
司獄司監收聽候引問仍差原召保  
皂隸前去拘喚原告與被告通行對  
問復行案呈本部將原給批文赴

內府刑科銷繳其引問一千人証先審原告  
詞因明白然後放起原告拘喚被告  
審問如被告服則審干証人如干証

人供與原告同詞。却問被告。如各執一詞。則喚原被告干証人。一同對問。觀看顏色。察聽情詞。其詞語抗厲。顏色不動者。事理必真。若轉換支吾。則必理虧。畧見真偽。然後用筭決勘。如又不服。則用杖決勘。仔細磨問。求其真情。若犯重罪。賊證明白。故意特頑不招者。則用杙拷問。情狀既實。取訖招供。服辨。判押入卷。明立文案。開具

原發事由。問擬招罪。照行事理。死罪徒流者。具寫奏本。笞杖罪名止。具公文。連囚牒。發大理寺審候。平允回報。復行立案。除十惡重囚。決不待時外。餘令司獄司。仍前監收聽候。依特覆奏處決。其餘各付該部發落。工役付河南部。編軍付陝西部。批。送應天府經歷司交割。給引寧家。該部付其有發回寧家者。主事廳出。

除撥官吏

凡本部十二部。遇有除到官員。拜撥到吏典。北平部掌行。將年籍鄉貫住址。備細脚色開供明白。明立文案。遇有官吏陞除調用及事。故即便作缺行。移吏部除撥。

會計糧儲

凡本衙門官吏人等。合用俸給。每歲會計若干。移咨戶部。定撥糧長到部。送納劄付。福建部并委官。眼同依數交

收在倉隨即出給倉鈔付納戶收領  
候齊足出給通關一樣三本交付糧  
長收領仍將收過米數通咨戶部知  
數

月支俸給

凡本部官吏人等俸給食米每月各部  
照磨所將各官吏人等分豁舊管收  
除實在并合支俸給食米數目開付  
福建部本部查理無差明立文案將

前項數目。案呈本部劄付該管主事  
於堂上開領鎖匙。於月初開倉。仍出  
給半印勘合。將合支米數填寫明白。  
責付各官家人收領。放糧主事於原  
奉劄付內查照相同。然後附簿放支。

比科

律令

戶役

田宅

倉庫

課程

錢債

市廛

類進贓罰

凡各布政司并直隸府州應有追到贓物。彼處官司用印鈐封。批差長解人管解到部。照依地方發下該部承行。仍照來文內開到金銀鈔貫段疋紬絹等項數目。案呈本部具手本。差官齎赴

內府。關領進物勘合。回部照數填寫明白。又具長單一様二紙。編寫字號。用使半

印勘合。堂上官押字用印對查無差。  
將前項贓物原封不動。就差原解人  
同將勘合長單進赴

內府。該庫各門守衛官。拜門交於各長單書  
名畫字用訖。照過關防。放進到庫。庫  
官眼同原解人拆開原封。照依原進  
數目檢開無欠。交收入庫。將勘合并  
長單一紙。本庫收留存照。外有長單  
一紙。本庫官吏出給實收押字用印。

交付原解人收齋。仍於各門打訖。照  
出關防。回部附卷。仍將長解原批上  
批寫。解到金銀鈔貫等項贓物。已於  
某年月日進赴

內府某庫納訖。某部批回。原解人將批文齋  
回。該衙門備照其本部。問擬犯人。除  
恐嚇詐欺強買。賣有餘利。科歛求索。  
係取與不和。用強生事。逼抑取受之  
贓。並還物主外。餘有接受贓枉法不

枉法。彼此俱罪之賊。并應合抄劄犯人家財。俱各見數。責付庫子收領。下庫聽候類解。取訖領狀附卷。每年春夏秋冬。四季庫子將收過各部一應賊物。備細開寫。自某年某月某日為始。至某年某月終。收到某部某部。追抄犯人某人等。名下金銀鈔貫段疋等項若干。開呈湖廣部。照數案呈本部。關給勘合。出具長單。如前進。納湖

廣部照依批回。移付各部知會。各部  
又於原卷查照相同。然後附卷備照。  
收買紙劄

凡本衙門合用奏啟。本案驗行移簿籍  
與人寫招服辨一應紙劄。山西部掌  
行。每季會計合用奏啟。本等紙劄若  
干。估計合用鈔若干。本部明立文案  
開付湖廣部於贓罰鈔內。照數開支  
差官前去街市。及客商販賣去處。照

依時價兩平收買。數足到部堂上官  
用印封鈴。責付庫子收領在庫聽候。  
各部將各季用紙數目呈堂判送湖  
廣部立案。照數開支。候至季終銷用  
盡絕。各部開稱為某事用過某色紙  
若干。逐一開付本部。將各部花銷紙  
數查理明白。將來付附卷。其餘季分  
如前施行。

處決重囚

一凡大理寺秋後覆奏處決重囚如本寺牒至即差皂隸照名於司獄司將犯人押赴法場仍令主事廳具手本會請監察御史等官公同處決批回附卷

詳擬罪名

凡各布政司并直隸府州遇有問擬刑名笞杖就彼決斷徒流遷徙充軍雜犯死罪解部審錄發落其合的決絞

刑部  
卷三  
斬凌遲處死罪名各處開坐備細招  
罪事由照行事理呈部詳議比律允  
當者則開緣由具本發大理寺覆擬  
如覆擬平允行移各該衙門如法監  
收聽候依時差官審決如有決不待  
時重囚詳擬允當隨即具奏差官前  
去審決其有情詞不明或出入人罪  
失出入者駁回改正再問故出入情  
弊顯然具奏連原問官吏提問

歲報罪囚

凡本部問發罪囚。每遇年終。各該部分  
開稱。自洪武某年正月初一日為始。  
至十二月終。本部通問發過囚人若  
干。內凌遲若干。斬若干。絞若干。斬罪  
免死終身工役若干。絞罪免死終身  
工役若干。流罪若干。徒罪若干。充軍  
若干。隨營若干。杖罪若干。答罪若干。  
踈放寧家若干。俱付山東部通類如

前案呈本部開坐奏

聞。

司門科

律令

宮衛

關津

郵驛

軍政

廐牧

營造

河防

編發囚軍

凡本部問有應合充軍者。必須照依律  
與大誥內議擬明白。大理寺審無冤。

枉開付陝西部本部置立文簿汪寫  
各人姓名年籍鄉貫住址明白照依  
南北籍編成排甲每一小甲管軍一  
十名總甲管軍五十名每百戶該管  
一百一十二名一樣造冊二本將各  
總小甲軍人姓名年籍鄉貫住址拜  
該管百戶姓名充軍衛分注寫明白  
一本進赴

內府收照一本同總小甲軍人責付該管百

戶領去充軍仍咨呈該府作數如浙  
江河南山東陝西山西北平福建并  
直隸應天廬州鳳陽淮安揚州蘇州  
松江常州和州滁州徐州人發雲南  
四川屬衛江西湖廣四川廣東廣西  
并直隸太平寧國池州徽州廣德安  
慶人發北平太寧遼東屬衛其軍人  
遇有逃故該管百戶具呈合于上司  
照籍勾補。

合編充軍

販賣私鹽

詭寄田糧

私充牙行

閑吏

私自下海

應合抄劄家屬

積年民害官吏

誣告人充軍

無籍戶

攬納戶

土豪

舊日山寨頭目

更名易姓家屬

不務生理

進食

斷指誹謗

小書生

主文

幫虎

伴當

刑部彙編  
卷五  
野牢子

直司

皂隸獄卒

凡本衙門皂隸并司獄司看監獄卒山東部掌行各部將一應皂隸開稱本部皂隸若干名內跟官幾名聽差幾名直廳幾名本部直堂幾名跟官幾名務要明立文案遇有更替本部將新僉皂隸取訖年籍鄉貫住址供狀分豁明白發下該部收役將得替皂

隸令主事廳出批送應天府給引寧家。

### 營造

凡本衙門并司獄司堂廳門牕書案卓椅傘杖鐵槩案衣坐褥等項并官吏公廨牆垣牢房遇有損壞不堪及應有營造俱係四川部掌行案呈本部移咨工部量撥囚人修造係干重務者奏

聞

都官科

律令

捕亡

婚姻

犯姦

雜犯

斷獄

提調牢獄

凡本部見問囚人。設置司獄司監禁。每月山東部案呈。差委主事一員躬親提調。一應牢獄各部每夜又各委官。

各點本部囚數。應押而押。應枷扭而枷扭。應鎖鐐而鎖鐐。將監門鎖閉。牢固封鎖。其總提牢官。將鎖匙拘收。督令司獄輪撥獄卒。直更提鈴。至天明各提牢官。將監門鎖封看訖。令司獄於總提牢官處。開領鎖匙。眼同開鎖。照依各部取囚勘合內名數。點放出。監各該獄卒。管押赴部問畢。隨即押回監收。頃刻不得摘離左右。務要內

情不得外出。外情不得內入。使人知  
幽囚困苦之狀。以頓挫其頑心。又行  
提督司獄人等。常加潔淨。不致刑具  
顛倒。獄囚飯食。以時接遞。毋得作弊。  
刁蹬。其有冤抑不伸。及淹禁日久不  
與決者。提牢官審察明白。呈堂整治。  
拘役囚人

凡本部問擬刑名。除真犯死罪的決外。  
其餘笞杖徒流雜犯死罪。應合准三

者議擬明白。審錄允當。開付河南部。  
本部置立文簿。編成字號。注寫各囚  
姓名。年籍。鄉貫。住址。并為事緣由。工  
役年限。日期。分豁滿日。充軍。疎放。終  
身。工役。凡遇修砌城垣。街道。脩蓋官  
負房屋。及起築功臣墳塋等項。其該  
衙門移文到部。照依工作處所。合用  
管杖等囚。撥付監工人負收領前去  
工役。取訖領狀在卷。本部一樣造冊。

二本編寫字號并領去囚人姓名年  
籍鄉貫住址及為某事工役幾年幾  
日分豁滿日充軍踈放終身工役監  
工某人領去某處工作一本進赴  
內府一本咨發工部收照候各囚工滿監工  
人負查理役過工程具呈工部計筭  
無欠合准工滿比查原冊相同連人  
咨發本部又於原卷簿內查理相同  
然後具手本差官齎赴

內府底冊內前件項下注銷明白合疎放者  
引赴

御橋叩頭畢送應天府給引寧家合充軍者  
付發陝西部照籍編發

真犯死罪

律令

十惡

變亂成法

朦朧奏啟

棄毀制書印信

漏泄軍情大事

強占良家妻女

背夫在逃改嫁

收父祖妾伯叔母婦弟嫂拒捕

失候軍機殺傷來降人及逼勒逃竄

激變良民失陷城池造妖書妖言

強盜盤詰姦細盜制書印信

誣執翁姦劫囚白晝搶奪傷人

發塚見屍畧人畧賣人因而傷人

謀故鬪毆等項殺人

威逼期親尊長致死

奴婢毆罵家長妻妾毆夫篤疾

強姦

姦家長妻女

竊盜三犯

詐偽

誣告故入人死罪已決

告謀逆不受理以致攻陷城池

罪囚反禁在逃

故禁故勘平人致死

放火故燒人房屋盜財物者

邀取實封公文

從軍征討私逃再犯

秋糧違限一年之上不足

三犯逃軍

師巫假降邪神及妄稱彌勒佛會  
軍人私出外境擄掠傷人  
死囚之子孫為父母等自殺

### 大誥

僧道不務祖風

說事過錢

冒解罪人 逸夫

濫設吏卒

耆民赴京面奏事務阻當者

擅立幹辦等項名色

閑民同惡

官吏下鄉 擅差職官

魚課擾民

經該不解物

不對關防勘合

關溢騙民

居處僭

上用

市民為吏卒

造作買辦不與價

空引偷軍

慶節和買

臣民倚法為姦

官吏長解賣囚

寰中士夫不為君用

鄉民除患

阻當耆民赴京

雜犯死罪

律令

盜倉庫錢糧

官吏受贓過滿

稱訴冤枉借用印信封皮

私越冒度關津出外境

私將人口軍器出境及下海

搜匿名文書告人罪

毆制使及本管長官折傷

凌虐罪囚致死者

遞送逃軍妻小出京城

大誥

官民犯罪重作輕或盡行買免

攬納戶安保

斷指誹謗

申明誠諭

凡貪官污吏玩法頑民有犯罪名各該  
部分取問明白議擬審允依律發落  
外將各人所犯情由罪名開付廣西  
部明立文案照依原犯情罪備榜差  
人發去各囚原籍張掛申明誠諭其  
欽依戴罪官員各該部分自行備榜發去原

籍任所張掛曉諭取各囚原籍任所  
官司回文到部完卷

官吏過名

凡本部十二部遇有問失出入人罪。耽  
候公事含糊行移等項一應犯該公  
罪官吏該答者官收贖吏移付廣西  
部紀錄候一季終照數類決杖罪以  
上并取到各衙門官公罪招狀各部  
亦開付廣西部明立文案候半終案

呈通咨吏部紀錄通考黜陟

類填勘合

凡本衙門遇有追賊提人合行下各布政司直隸府州追問刑名并取招斷決等項開寫犯人姓名鄉貫住址贓物等項并備細緣由移付廣東部置立文簿逐件附寫每布政司府州類至四五件六七件案呈本部照依原編定字號勘合文簿將案呈事件通

具手本差官於底簿內附寫明白。前赴

內府刑科關填勘合完備領回。本部押字用印。照會布政司創付直隸府州施行。

抄劄

凡本部各子部凡問擬犯該姦黨等項。合抄劄者。明白具本開寫某人所犯。合依某律。該某罪。財產人口。合抄入官牒發大理寺。審錄平允回報。各部

備由關寫犯人鄉貫住址明白案呈  
本部具手本赴

內府刑科填批差人前去抄創戶下成丁男  
子如法加扭同抄到人口金銀細軟  
馬騾驢羊差人解部如前該庫進納  
龐重什物變賣價鈔牛隻農具入官  
并田地房屋召人佃賃照例當差

應合抄創

律

姦黨

謀反大逆

姦黨

造偽鈔

殺一家三人

採生折割人為首

大誥共七則

攬納戶

民拿經該不解物

洒派包荒田土

倚法為姦

安保過付詭寄田根

空引偷軍黥刺在逃

官吏長解賣囚家申士夫不為君用

獄具

凡司獄司所設一應獄具。山東部掌行。  
務要較勘如法。或有損壞。案呈本部  
官為脩理置辦。

刑部職掌終

皇明制書

諸司職掌

工部

尚書侍郎之職。掌天下百工山澤之政令。  
其屬有四。曰營部。虞部。水部。屯部。

營部

郎中。員外郎。主事。掌經營興造之衆務。

營造

內府造作

凡內府宮殿門舍牆垣如奉

旨成造及脩理者必先委官督匠度量材料  
然後興工其工匠早晚出入姓名數  
務要點閘關察機密所計物料并  
色人匠明白呈稟本部行移支撥  
合用竹木隸抽分竹木局磚瓦石  
灰隸聚寶山等窑冶硃漆彩畫隸營  
繕所丁線等項隸寶源局設若臨期  
輪班人匠不敷奏

聞起取撮工

儀仗

凡製造

皇帝皇太子親王鹵簿車駕等項儀仗及脩  
理者除金銀器皿於

內府成造其餘器仗照數行下軍器等局  
委官督工計料依式脩造完備進赴  
鑾駕房收貯供用

軍器局造

戟稍節角鑼刀看

弓箭小鼓伏鼓攔鼓金鉦

骨朵夾稍樂人大鼓

營繕所造

青道御仗交椅坏脚踏坏馬杌

頭管戲竹龍笛笛板

針工局造

金鼓旗白澤旗令旗紅曲蓋

紫方傘紅方傘傳教幡

告止旛

降引旛

紅團扇

青團扇

紅方扇

紅綉傘

紅銷金傘

儀鍠

戈

戟

信旛

幢麾

寶源局造

香爐

香盒

交椅

脚踏

銀盆

水罐

鞍轡局造

拂子

鞍籠

談馬錦羈

中帽局造

立瓜

卧瓜

鎗仗

響節

儀刀

梧仗

班劍

幢竿

戈叉

斧

成垣

凡

皇城京城牆垣遇有損壞即便丈量明白見  
數計料所用磚灰行下聚寶山黑窯  
等處關支其合用人工咨呈都府行  
移留守五衛差撥軍士脩理若在

藩鎮府州城垣但有損壞係于緊要去處者隨即度量彼處軍民工料多少入奏脩理如係腹裏去處於農隙之時興工。

### 壇場

凡

天地壇場若有損壞去處合脩理者督工計料脩整合漆飾者行下營繕所差工漆飾所用木石磚灰顏料等項行下

抽分竹木局等衙門照數關支。

### 廟宇

凡歷代聖帝明王忠臣烈士及名山嶽鎮應合祭祀神祇廟宇務要時常整理如遇新創及奉

旨起造功臣享堂須要委官督工計料依制建造。

### 公廨

凡在京文武衙門公廨如遇起蓋及脩

理者所用竹木磚瓦灰石人匠等項  
或官為出辦或移咨刑部都察院差  
撥囚徒看令自辦物料人工脩造果  
有係于動衆者

開施行

倉庫

凡在京各衙門倉庫如有損壞應合脩  
理者即便移文取索人匠物料脩整  
如本處倉庫不敷應合添蓋者須要

相擇地基計料如式營造所用竹木  
磚石灰瓦丁線等項行下抽分竹木  
局等衙門關支如是工匠物料不敷  
預為措辦足備以候應用。

## 營房

凡在京各衛軍人營房及駝馬象房如  
有起蓋脩理所用物料官為支給若  
合用人工隸各衛者各衛自行定奪  
差軍隸有司者定奪差撥因使玄用

人夫脩造果有係于動衆奏

聞施行

土墻營房每間合用

桁條五根

椽木五十根

蘆柴一束半

釘二十五枚

瓦一千五百片

石灰五斤

器具

凡在京各衙門合用刑具皆須較勘如法應合應付者方許應付

應天府採辦

管 杖 杻

龍江提舉司成造

枷 扭

寶源局打造

鐵索 鐵鐐

工匠

工役囚人

凡在京犯法囚徒或免死工役終身或

免徒流笞杖罰役准折如遇造作去處度量所用多寡若重務者用重罪囚徒細務者用笞杖之數臨期奏

聞移咨法司差撥差人監管督工其當該法司造勘合文冊一本發本部收掌一本發

內府收貯如遇囚徒工完委官查理工程無欠行移原問衙門再查犯由明白於內府銷號合踈放者發應天府給引寧家合

充軍者咨呈都府照地方編發若在  
工有逃竄之數即便差人勾提果有  
病故等項相視明白埋瘞移咨原問  
衙門銷號如是缺工未完移文撥補  
則例

每徒一年蓋房一間餘罪三百六十  
日准徒一年共蓋房一間杖罪不拘  
杖數每三名共蓋房一間

每正工一日

鈔買物料等項。八百文為准。

雜工三日為准。

挑土并磚瓦附近三百擔。每擔重六十斤為准。

半里二百擔

一里一百擔

二里五十擔

三里二十五擔

四里二十五擔

五里二十擔

六里一十七擔

七里一十五擔

八里一十三擔

九里一十一擔

十里一十擔

打牆每牆高一丈厚三尺闊一尺就  
本處取土為佳。

輪班人匠

凡天下各色人匠編成班次輪流將賣  
原編勘合為照上工以一季為滿完  
日隨即查原勘合及工程明白就便  
放回週而復始如是造作數多輪班  
之數不敷定奪奏

聞起取撮工本戶差役定例與免二丁餘丁  
一體當差設若單丁重役及一年一  
輪者開除一名年老殘疾戶無丁者  
相視揭籍明白踈放其在京各色人  
匠例應一月上工一十日歇二十日  
若工少人多量加歇役如是輪班各  
匠無工可造聽令自行趁作。

計各色人匠一十二萬九千九百七十  
七名。

五年一班

木匠三萬三千九百二十八名

裁縫匠四千六百五十二名

四年一班

鋸匠九千六百七十九名

瓦匠七千五百九十名

油漆匠五千一百三十七名

竹匠一萬二千七百八名

五墨匠二千七百五十三名

粧鑾匠五百七十三名

雕鑿匠五百二名

鐵匠四千五百四十一名

雙線匠一千八百九十九名

三年一班

土工匠一千三百七十六名

熟銅匠一千二百四名

穿甲匠二千五十一名

搭材匠一千一百一十二名

筆匠一百二十名

織匠一千四十三名

絡絲匠二百四十名

挽花匠二百九十一名

染匠六百名

二年一班

石匠六千一十七名

船匠九千三百六十名

紅木匠一萬五百六名

箬篷匠四百七十七名

槽匠三十九名

蘆篷匠二十二名

戲金匠五十四名

條匠一百四十九名

刊字匠一百五十名

熟皮匠九百九十二名

扇匠六十六名

鮑燈匠七十五名

氈匠二百九十九名

毯匠一百五十八名

捲胎匠一百九名

鼓匠一百二名

削藤匠四十八名

木桶匠九十四名

鞍匠一十三名

銀匠九百一十四名

銷金匠五十九名

索匠二百五十五名

穿珠匠一百四名

一年一班

表襖匠三百一十二名

黑窰匠二千三百七十三名

鑄匠一千六十名

繡匠一百五十名

蒸籠匠二十三名

箭匠四百二十一名

銀硃匠八十四名

刀匠一十二名

琉璃匠一千七百一十四名

剉磨匠一千一百二十五名

弩匠一百一十二名

黃丹匠二十二名

藤挽匠三十四名

刷印匠五十八名

弓匠一百六十二名

旋匠四十六名

缸窰匠一百九名

洗白匠三十名

羅帛花匠六十九名

# 虞部

郎中貞外郎主事。掌天下虞衡山澤之事。  
而辨其時禁採捕。

野味

凡每歲祭祀及供

御并歲時筵宴。今用野味。預先行移各司府州。着落所屬於山林去處多辦走獸。湖泊去處多辦飛禽。照依坐定歲辦數目。令各處獵戶除春夏孕字之時。不採外。當於秋間採捕。其各項活野味。依例用寬大籠櫃。差人沿途如解。喂養茁壯。到部出給長單一。樣二本。并關給勘合。進赴。

內府光祿司交收將長單一本批題八卷  
一本就留本司備照如有倒死不堪  
之數驗其鮮物人在路果無延緩稽  
遲日期者止是着令賠償起鮮如是  
故行遲緩者問罪

計各處歲辦壹萬肆千貳百伍拾隻  
湖廣叁千隻

本司分派附近府州貳千伍百隻  
坐去窩遠府州伍百隻

辰州府八十隻

永州府一百隻

衡州府七十隻

寶慶府六十隻

襄陽府一百二十隻

郴州三十隻

靖州二十隻

安陸州二十隻

江西一千隻

本司分派附近府分八百隻

坐去寫遠府分二百隻

南安府一十五隻

袁州府六十隻

贛州府六十隻

吉安府六十五隻

直隸七千五百隻

河南一千二百隻

浙江八百隻

山東七百五十隻

皮張

凡各處每歲差人起解雜色皮張及各該軍衛屯田去處倒死頭疋皮貨到部照例關給長單勘合付解人進納若熟皮劄付丁字庫交收生皮劄付皮作局熟造類進設或成造軍器等項皮張不敷須要預為收買其收貯在庫之數務要時常整點不致腐壞

計各處歲辦雜皮貳拾壹萬貳千張

江西二萬張

浙江二萬張

河南一萬張

福建一萬張

山東一萬五千張

四川一萬張

廣西一萬張

廣東一萬張

二言身八  
湖廣二萬張

陝西二萬張

北平二萬張

山西二萬張

直隸二萬二千張

翎毛

凡造箭合用翎毛。或各處歲辦。或官為收買。如遇差人起解到部。創付丁字庫交收。仍出給長單。勘合付解人進。

納。

計各處歲辦壹千叁百伍拾伍萬陸千  
根

江西三百萬根

浙江三百萬根

河南六十萬根

福建五十萬根

山東六十萬根

四川一十萬根

廣西一十萬根

廣東一十萬根

湖廣二百萬根

陝西伍十萬根

北平伍十萬根

山西伍十萬四千根

直隸二百五萬二千根

禁令

凡歷代帝王忠臣烈士先聖先賢名山

嶽鎮神祇凡有德澤於民者皆建廟  
立祠因時致祭各有禁約設官掌管  
時常點視不許軍民於內作踐焚瀆  
其有荒蕪山場蘆蕩去處如遇官府  
營造取用竹木蘆柴等項湏要臨時  
定奪禁約設若官無所用聽民採取  
軍器軍裝

凡軍器專設軍器局軍裝設針工局鞍  
轡設鞍轡局掌管時常整點若有缺

少件數隨即行下本局筭計物料委  
官監督定立工程如法造完差人進  
赴

內府該庫收貯如遇軍職衙門關支仍須  
計較可否果係應合關人數即便奏  
聞照依軍法定律支給如係舊管征差軍士  
不應關給者行移駁問馬鞍務要查  
勘本軍先前曾無關過或轉納何處  
要見明白纔方放支不許含糊一槩

支給若直隸及各布政司呈稟成造亦須定奪具奏行下依式造完明白支撥仍拘收原關舊損件數入官脩理若各處有司歲造之數起解到部務要辦驗堪中行下該庫交收如有不堪者就將原經手人負取問其軍裝衣鞋別無定例若有奉

旨給賞臨期下庫支給

軍法定律每一百戶

鎗手四十名

銃手一十名

刀牌手二十名

弓箭手三十名

軍器局造

二意角弓

交趾弓

黑漆鈚子箭

有蠟弓弦

無蠟弓弦

魚肚鎗頭

蘆葉鎗頭

馬軍鷹翎刀

步軍腰刀

將軍刀

馬軍叉

紅油圓牌

水磨鐵帽

水磨頭盔

水磨鎖子

護項頭盔

紅漆齊腰甲

水磨齊腰鋼甲

水磨柳葉鋼甲

水銀摩澤長身甲

併鎗馬赤甲

針工局造

長胖襖

袒袷袴

鞍轡局造

鞍轡

鞭

窰治

磚瓦

凡在京營造合用磚瓦。每歲於聚寶山置窰燒造。所用蘆柴官為支給。其大小厚薄樣制及人工蘆柴數目俱有定例。如遇各處支用明白。行下各該管官。負放支管事作頭。每季交替。仍將所燒過物件支銷。其見在之數。明白交割。若脩砌城垣。起蓋倉庫。營房。

所用磚瓦數多。須要具

奏着落各處人民共造。如燒造琉璃磚瓦所用白土。例於太平府採取。

琉璃窰

每一窰。裝二樣板瓦坯二百八十箇。計

匠七工。用五尺圍蘆柴四十束。

每一窰粧色二百八十箇。計匠六工。用

五尺圍蘆柴三十束。四分用色三十

二斤。八兩九錢三分二厘。

黑窑

每中窑一座裝到大小不等磚瓦二千二百箇計匠八十八工用五尺圍蓋柴八十八束。

陶器

凡燒造供用器皿等物。須要定奪樣制。計筭人工物料。如果數多起取人匠赴京置窑興工。設或數少行移饒處等府燒造。

鑄器

凡鑄造銅鍋銅櫃等器及打造銅鍋銅  
竈鐵窻鐵猫等件行下寶源局定奪  
模範及計筭合用銅鐵木炭等項明  
白具數呈部行下丁字庫抽分竹木  
局放支督工依式鑄造。

鑄造

生銅一斤用炭一十二兩

黃熟銅一斤用炭一斤

紅熟銅一斤用炭一斤

生鐵一斤用炭一斤

打造

紅熟銅一斤用炭八斤

黃熟銅一斤用炭八斤

瓜鐵一斤用炭一斤八兩

銅鐵

凡各處爐冶每歲煽煉銅鐵彼先行移  
各司歲辦後至洪武十八年四月內

欽依位罷至今不曾復設。如果缺用即須奏聞復設。爐冶採取生礦煽煉。着令有司差人陸續起解。照例送庫收貯。如係臨邊用鐵去處就存聽用。

計各處爐冶該鐵一千八百四十七萬五千二十六斤

湖廣六百七十五萬二千九百二十七斤

廣東一百八十九萬六千六百四十

一斤

北平三十五萬一千二百四十一斤

江西三百二十六萬斤

陝西一萬二千六百六十六斤

山東三百一十三萬二千一百八十

七斤

四川四十六萬八千八十九斤

河南七十一萬八千三百三十六斤

浙江五十九萬一千六百八十六斤

山西一百一十四萬六千九百一十

七斤

福建一十二萬四千三百三十六斤

鑄錢

凡在京鼓鑄銅錢行移寶源局委官於  
內府置局每季計筭人匠數日其合用銅  
炭油薪等項物料行下丁字庫等衙  
門放支如遇鑄完收貯奏

聞差官類進

內府司鑄庫交納。取批廻實收長單附卷。  
若在外各布政司一體鼓鑄本部類  
行各司行下寶源局。委官監督人匠  
照依在京則例鑄完錢數。就於彼處  
官庫收貯聽候支用。

則例

當拾錢一千箇。燒模用油一十一兩  
二錢。鑄錢連火耗用生銅六十六  
斤六兩五錢炭五十三斤一十五

兩二錢

當五錢二千箇。燬模用油一斤四兩。  
鑄錢連火耗用生銅六十六斤六  
兩五錢。炭五十三斤一十五兩二  
錢。

當三錢三千三百三十三箇。燬模用  
油一斤一十四兩。鑄錢連火耗用  
生銅六十五斤九兩二錢五分。炭  
五十三斤八兩三錢五分。

折二錢五千箇。燼模用油二斤五兩五錢。鑄錢連火耗用生銅六十六斤六兩五錢。炭五十三斤一十五兩二錢。

小錢一萬箇。燼模用油一斤四兩。鑄錢連火耗用生銅六十六斤六兩五錢。炭五十三斤一十五兩二錢。

穿錢脉

當十錢每串五百箇用一兩。

當五錢每串五百箇用八錢

當三錢每串一千箇用一兩

折二錢每串一千箇用七錢

小錢每串一千箇用五錢

銅一斤鑄錢不等外增火耗一兩

當十錢一十六箇折小錢一百六十

文

當五錢三十二箇折小錢一百六十

文

當三錢五十四箇。折小錢一百六十

文

折二錢八十箇。折小錢一百六十文  
小錢一百六十文

鑄匠每一名一日鑄

當十錢一百二十六箇。

當五錢一百六十二箇。

當三錢二百三十四箇。

折二錢三百二十四箇。

小錢六百三十箇

銼匠每一名一日銼

當十錢二百五十二箇

當五錢三百貳十四箇

當三錢四百六十八箇

折二錢六百四十八箇

小錢一千二百六十箇

各處爐座錢數

山東二十二座半。每歲鑄錢一千二

百一十二萬二千文

山西四十座。每歲鑄錢二千三百三

十二萬八千文。

河南二十二座半。每歲鑄錢一千三

百一十二萬二千文。

浙江二十一座。每歲鑄錢一千一百

六十六萬四千文

江西一百一十五座。每歲鑄錢六千

七百六萬八千文。

北平二十一座。每歲鑄錢一千二百八十三萬四百文。

廣西一十五座半。每歲鑄錢九百三萬九千六百文。

陝西三十九座半。每歲鑄錢二千三百三萬六千四百文。

廣東一十九座半。每歲鑄錢一千一百三十七萬二千四百文。

四川一十座。每歲鑄錢五百八十三

萬二千文。

## 顏料

凡合用顏料專設顏料局掌管淘洗青綠將見在甲字庫石礪按月計料支出淘洗分作等第進納若燒造銀硃用水銀黃丹用黑鉛俱一體按月支料燒煉完備逐月差匠進赴甲字庫收貯如果各色物料缺少定奪奏聞行移出產去處採取或給價收買鈔法紫

粉所用數多。止用蛤粉蘇木染造時  
常預為行下本局。多為備辦用度如  
缺蛤粉一體收買。

黑鉛一斤。燒造黃丹一斤五錢三  
分五厘。

水銀一斤。燒造銀硃一十四兩八  
分二硃三兩五錢二分。

次青硃石礪一斤。淘造淨青硃一  
十一兩四錢三分。

暗色碌石礮一斤。淘造淨石碌一

十兩八錢七分六厘。

蛤粉一斤。染造紫粉一斤一兩六

錢。

礮砂一斤。燒造礮砂碌一十五兩

五錢。

紙劄

凡每歲印造茶鹽引由契本鹽糧勘合  
等項合用紙劄着令有司抄解其合

用之數如庫缺少定奪奏

聞行移各司府州照依上年紙數抄造解納如遇起解到部隨即辯驗堪中如法差人進赴乙字庫收貯聽用。

產紙地方分派造解額數。

陝西十五萬張

湖廣十七萬張

山西十萬張

山東五萬五千張

福建四萬張

北平十萬張

浙江二十五萬張

江西二十萬張

河南五萬五千張 直隸三十八萬張

# 石灰

凡在京營造合用石灰每歲於石灰山  
置窯燒煉所用人工窯數目俱有  
定例如遇各處支用明白行下各該  
管人負放支其管事作頭每季交替  
仍將所燒過物料支銷見在之數明  
白交割

每窯一座該正附石灰一萬六千斤合

燒五尺圍蘆柴一百七十八束計七十五工。

# 水部

郎中負外郎主事。掌天下陂池川瀆之政令。

## 河渠

凡各處閘埧陂堰引水可灌田畝以利農民者務要時常整理疏浚如有河

水橫流泛溢。損壞房屋田地禾稼者。  
須要設法隄防。止遏。或所司呈稟。或  
人民告訴。即便定奪奏。

聞若隸各布政司者。照會各司直隸者。劄付  
各府州。或差官直抵處所踏勘丈尺。  
開狹度量用工多寡。若本處人民足  
完其事。就便差遣。倘有不敷。着令隣  
近縣分添助人力所用木石等項。於  
官見有去處支用。或發遣人夫於附

近山場採取務在農隙之時與工毋妨民業如水患急於害民其功可卒成者隨時脩築以禦其患

### 橋道

凡各處河津合置橋梁者所在官司起造若當用渡船去處須要置造船隻無點水手其通行驛道或有損壞須於農隙之時脩理所用椿木灰石等項於本處丁多戶內起夫附近山場

採辦若在京橋梁道路本部自行隨時計工成造脩理果有係于動衆具奏施行。

舡隻

凡在京并沿海去處每歲海運遼東糧儲船隻每年一次脩理其各衛征戰風快船隻等項若有缺少損壞及當脩理者務要會計木釘灰油麻藤及所用工具依數撥用如有不敷亦當

預為規畫。或令軍民採辦。或就客商收買。或外處撥支。審度便利。定擬奏聞。行下龍江提舉司。計料明白。行移各庫放支物料。其工程物件。照依料例文冊。然後興工。如或新造海運船隻。須要度量產木水便地方。差人打造。其風快小船。就京打造者。亦須依例計造木料等項。就於各場庫支撥。若內外有船隻務要周知其數。設或需索運

用酌量勞逸多寡撥興其各湖河泊  
所帶辦魚油鰓每歲催督進納備用  
一千料海船壹隻合用

杉木三百二根 雜木一百四十九根

楸木二十根 榆木舵桿二根

栗木二根 櫓坯三十八枚

丁線三萬五千七百四十二箇

雜作一百六十一條箇

桐油二千一十二斤八兩

石灰九千三十七斤八兩

船麻一千二百五十三斤三兩二錢

船上什物

絡麻一千二百九十四斤

黃藤八百八十五斤 白麻二十斤

棕毛二千二百八十三斤一十二兩

四百料鑽風海船一隻合用

杉木二百二十八根 桅心木二根

雜木六十七根 鐵力木舵桿二根

櫓坯三十枚

松木五根

丁線一萬八千五百八十箇

雜作九十四條箇

石灰三千五斤一十三兩

桐魚油一千一斤一十五兩

艙麻七百二十九斤八兩八錢

船上什物

絡麻五百七十四斤一十四兩四錢

黃藤三百八十三斤八兩

棕毛七十三斤

白麻一十斤

### 車輛

凡大小車輛若有成造及脩理者務要  
計筭合用木植魚膠鐵箍等項物料  
行下丁字庫等衙門依數放支如式  
脩造其有司預備車輛必須備知其  
數倘或需索使用酌量勞逸多寡撥  
與

牛車一輛合用

榆木三根

棗木一根

槐木一根

杉木板枋一根

魚線膠一斤

鐵箍八箇

鐵釘四十枚

鐵穿四箇

草潤八條

車頭二箇

織造

段疋

凡供用袍服段疋及祭祀制帛等項須

於

內府置局如法織造。依時進送。每歲公用  
段疋。務要會計。歲用數目。并行外局  
織造所用物料。除蘇木。明礬。官庫支  
用。盞絲。紅花。藍靛。於所產去處稅糧  
內折收。槐花。梔子。烏梅。於所產令民  
採取。按歲差人進納。該庫支用。

丹礬紅每斤染紅用

蘇木一斤

黃丹四兩

明礬四兩

梔子二兩

黑綠每斤用

靛青二斤八兩

槐花四兩

明礬三兩

深青每斤用靛青四斤

蚕絲湖州府六萬斤

紅花

山東七千斤

河南八千斤

藍靛

應天府二萬斤

鎮江府二萬斤

揚州府二萬斤

淮安府二萬斤

太平府二萬斤

槐花

衢州府六百斤

金華府八百斤

嚴州府六百斤

徽州府一千斤

寧國府八百斤

席德州二百斤

烏梅

衢州府一千五百斤

金華府二千斤

嚴州府一千四百斤

徽州府一千五百斤

寧國府一千五百斤

廣德州五百斤

梔子

衢州府五百斤

金華府五百斤

嚴州府二百斤

徽州府五百斤

寧國府五百斤

廣德州二百斤

誥勅

凡文武官員

誥勅照依品級制度如式製造所用五色紵絲誥身誥帶黃蠟花椒白麵紙劄等項差人赴

內府織染局等衙門關支其公侯襲封鐵券行下寶源局依式打造所用爪鐵木炭須於丁字庫抽分竹木局關支如遇完備進赴

內府鑄

鐵券尺寸

公

一樣高一尺 闊一尺六寸五分

二樣高九寸五分 闊一尺六寸

侯

三樣高九寸 闊一尺五寸五分

四樣高八寸五分 闊一尺五寸

五樣高八寸 闊一尺四寸五分

伯

六樣高七寸五分

闊一尺三寸五分

七樣高六寸五分

闊一尺二寸五分

# 冠服

## 凡製造

皇帝皇太子親王衮冕袍服務要擇日興工。  
仍擇日以進其餘婚禮粧奩并太常  
司祭服淨衣及給賜衣服冠帶喪禮

衫巾並行移針工巾帽二局如法製  
造其給賜衣服冠帶須要預先多辦  
以備不時賞賜

給賜衣服冠帶

圓領 貼裏 紗帽 角帶

器用

凡供用器物及祭祀器皿并在京各衙  
門合用一應什物行下該局如法成  
造若金銀銅鐵等器隸寶源局皮革

隸皮作局。竹木隸營繕所。疋帛隸文思院。皆須度量所料物色。委官覆實。相同不許多支妄費。

### 斛斗秤尺

凡使用斛斗秤尺。着令木秤等匠計筭物料。如法成造。所用鐵力木杉木板枋生鐵等項。行下龍江提舉司等衙門照數放支。其合用鑄鉤行下寶源局督工鑄造。如是成造完備。解送工

部較勘收用。

# 屯部

郎中員外郎主事。掌天下屯田之政令。

屯種

開墾

凡邊防郡縣守禦去處。新立衛分撥軍  
開墾荒田屯種。須要計筭頃畝數目。  
及田地肥瘠。人力勤惰。務在不曠征。

徃不失軍餉。

農具

凡屯種去歲合用犁鏵耙齒等器着令  
有司撥官鐵炭鑄造發用。若木植令  
衛軍於出產山場自行採辦。造用係  
干動撥官物具奏施行。

牛隻

凡屯種合用牛隻設或不敷即便移文  
取索。若官廐數多差人發遣。如果路

途寫遠此間地方出產可以收買務  
在公私兩便就給官價民間買用其  
孳生數目每歲年終通報。

天下屯牛二十五萬五千六百六十

四隻

河南都司三萬六千三百一十九隻

水牛二千二百四十七隻

黃牛三萬四千七十二隻

廣西都司九百五十隻

水牛三百六十七隻

黃牛五百八十三隻

山東都司五千九百九十九隻

水牛四百一十九隻

黃牛五千五百八十隻

北平都司一萬七千四百六十六隻

水牛八百四十六隻

黃牛一萬六千六百二十隻

山西行都司黃牛一萬七千八百一

十五隻

山西都司黃牛九千一百四十三隻

四川都司八千一百九十隻

水牛六千五百二十九隻

黃牛一千二百四十八隻

牯牛三百二十二隻

毛牛九十一隻

湖廣都司四千六百六十七隻

水牛三千九百三十四隻

黃牛七百三十三隻

廣東都司四百八十二隻

水牛四百一十三隻

黃牛六十九隻

浙江都司二千二百四十六隻

水牛一千二百五十四隻

黃牛九百九十二隻

江西都司四百九十九隻

水牛三百六十六隻

黃牛一百三十三隻

陝西都司二萬七千四百六十七隻

水牛四十六隻

黃牛二萬六千六百八十三隻

犏牛七百三十八隻

雲南都司一萬五千二百八十四隻

水牛九千七百八十二隻

黃牛五千五百二隻

貴州都司五千二百七十二隻

水牛四千五百六十八隻

黃牛七百四隻

比平行都司一萬八千五百三十七隻

水牛一萬八千五百三十四隻

黃牛三隻

直隸四萬五千八百五十隻

水牛七千四百一隻

黃牛三萬八千四百四十五隻

犏牛四隻

中都留守司二萬五千六百隻

水牛一千九百四十八隻

黃牛二萬三千六百五十二隻

遼東都司一萬三千八百七十八隻

水牛一十三隻

黃牛一萬三千八百六十五隻

墳塋

凡武職官負或歿於矢石或死於任所

先由禮部定奪應合造墳者移咨知會仍審安葬去處。若在京者與擇墳地會計工程。照例應撥囚徒磚灰造墳。中間有公侯伯合用硃紅槨具器誌石磚灰人工。別無定例度量支撥其槨具具器行下寶源軍器營繕針工鞍轡局所依例料造應付。若有旨許令祖墳或就任所安葬及造享堂者。臨期定奪施行。

造槨并冥器磚灰

公侯伯

造槨無冥器

都督同知僉事

指揮使

紅漆槨

誌石

磚四千五百箇

石灰四千五百斤 囚五十名

指揮同知僉事

黑漆槨

誌石

磚三千四百五十箇

石灰三千四百五十斤

囚二十名

正副致仕千戶衛鎮撫

磚一千五百箇

石灰一千五百斤

囚一十二名

百戶所鎮撫

磚二百四十箇

石灰二百四十斤

囚十名

千百戶鎮撫骨殖安葬磚灰囚減半

寶源局造

公侯都督眞器內用

小銅金一面

小銅竈一箇

小火筋一雙

小銅火盆一箇

椰誌事件

鐵束二道

鐵鎗二箇

兩尖釘二百箇

釵環一副

軍器局錫造

水盆一

臺盞一

杓一

壺瓶一

酒甕一

唾盂一

米盆一

香爐一

香盆一

燭臺一對

茶匙筋連瓶一副

茶鍾一

茶盞一

碗二

索二燈臺盞一副

碟十二

油瓶一

匙筋連瓶一副

營繕所木造

牙仗二

骨朶二

交椅一

脚踏一

交床一

馬杌一

誕馬二

食卓一

香卓一

床一

柱杖一

箱一

凳二

枕一

揮一

清道一對

樂人八

腔士二

門神一

儀仗人十二

一使八

武士四

翼六

五穀倉

涼醬瓶二

鎗二

斧二

班劍二

紅旗二

金一

鼓二

箭三

弓一

甲一

盔一

弩一

鍋竈一副  
火爐

針工局造

青羅擲罩一

紅紵絲煖帳一

紅銷金紗厨一

茶褐羅傘一

紅綃旗二

枕頭一

紅紵絲綿被一

紅綃夾被一

綿衣卧單一

紵絲褥一

布手巾一

衿一

攀一

鞍轡局

小鞍籠一

小弓箭袋一副

抽分

凡龍江大勝港俱設立抽分竹木局。如遇客商興販竹木柴炭等物照例抽分。及令軍衛自設場分收其柴薪。按月給與禁軍孤老等燒用竹木等物。

堆垛在場令各局按旬奏申知數遇  
有用度以憑計料揀定數目度量關  
填勘合支撥如是營造數多抽分不  
敷定奪奏

聞給價收買或差人砍辦

三分取一

蘆柴

茅草

稻草

茭苗草

藁草

三十分取二

杉木

軟箴

棕毛

黃藤

白藤

十分取二

松木

松板

杉篙

杉板

檀木

黃楊

梨木

雜木

檐杯

鋤頭柄

竹掃帚

茭苗苕帚

猫竹

水竹

雜竹

木炭

煤炭

竹交椅

篁竹

黃藤鞭桿

木柴

箭竹

夫役

凡在京城垣河道每歲應合脩繕其用工數多須於農隙之時於近京免糧應天太平鎮江寧國廣德等五府州預查定奪奏

聞行移各府起取除役占等項照依欽定則例優免外其餘人戶每四丁共贍一夫著令各備鋤耒藍檐委官部領定限十月初赴京計定工程分撥做造

滿日放回。若有不當夫役及做工未  
滿逃回者。並行治罪。及各處起到倉  
脚夫。俱發應天府收籍。為民遇有官  
差度量差撥。着令輪流週而復始。若  
差使數多。做工日久。照例每名日給  
工錢五百文。坊長減半以周養贍。  
優免二丁

水馬驛夫

遞運船水夫

會同館夫

輪班人匠

在京見役皂隸

校尉力士

見任官員

廩膳生員訓導

馬船夫 軍戶

光祿司廚子

防送夫 舖兵

免一丁凡年七十以上及癯疾之人

雜行

凡催促軍需物料勾提囚匠等項欽置  
勘合如遇四子部合行事理或五件  
十件類具手本責差該吏齎赴

內府工科關填勘合。行移各司。承奉理辦。如有不完舉奏提問。其官吏給由缺官條格等項。及本部并合屬官吏俸給。按月放支。仍每歲會計。行移戶部撥支。遇有當行行移。吏部等衙門定奪施行。

農桑

已見戶部民科農桑項下

兵刑工部職掌卷之五終